

1-§. Умумий қоидалар

1. Мазкур стандартнинг мақсади, хусусий капитал билан боғлиқ ахборотни акс эттиришни тартибга солиш, шунингдек, хусусий капитал тўғрисидаги ҳисобот мазмунини белгилаш ҳисобланади. Стандарт молиявий ҳисоботнинг таркибий қисми сифатида хусусий капитал тўғрисидаги ҳисоботни тақдим этишда ёритиб берилиши лозим бўлган ахборотларга қўйиладиган талаблардан таркиб топган. Ушбу талаблар бошқа стандартларда мавжуд бўлган ва хусусий капитал тўғрисидаги ҳисоботнинг ўзига хос муаммоларини қамраб оладиган ёритиб бериш талабларига мувофиқ тўлдирилиши мумкин.

2. Хўжалик юритувчи субъектлар томонидан (бюджет ташкилотлари, банклар ва бошқа кредит ташкилотлари бундан мустасно) хусусий капитал тўғрисидаги ахборотни тайёрлаш ва ёритиб бериш жараёнида мазкур стандарт талаблари риоя этишлари керак.

3. Хусусий капитал тўғрисидаги ҳисоботни тузишнинг мақсади бўлиб, хусусий капиталнинг ҳисобот даври бошига ва охирига бўлган ҳолати ва ҳисобот даври мобайнида унинг таркибидаги ўзгаришлар тўғрисидаги ахборотни ёритиб бериш ҳисобланади.